

08 《大乘無量壽經解》 貳、概要 第九

佛陀教育基金會 假日佛學院
2025 年 07 月 05 日

南無本師釋迦牟尼佛（三稱）

（開經偈）


無上甚深微妙法

百千萬劫難遭遇

我今見聞得受持

願解如來真實義

表4 黃念祖《解》總開十門與天台・華嚴之開合



【九、總釋名題】 (1/24)

《佛說大乘無量壽莊嚴清淨平等覺經》

1. 《無量清淨平等覺經》 後漢支婁迦讖譯
2. 《佛說阿彌陀三耶三佛薩樓佛檀過度人道經》
一名《無量壽經》 一名《阿彌陀經》 吳支謙譯
3. 《無量壽經》 曹魏康僧鎧譯
4. 《無量壽如來會》 唐菩提流志譯
5. 《佛說大乘無量壽莊嚴經》 趙宋法賢譯

自漢迄宋，同經異譯可考見者，凡十有二，近代流通唯此五本
菩薩戒弟子鄆城夏蓮居 法名慈濟 會集各譯 敬分章次

【吳譯本經題】

在現有條件下，可以提出一種相對合理的可能性，

即本經經題「阿彌陀三耶三佛薩樓檀過度人道」

對應的梵語接近於

amitābha-samyaksaṃbuddha-

sarvalokadhātu-manuṣya-parimocaka

，是多個佛陀稱號的並列，

大意为「救濟一切世界人類之正等正覺阿彌陀佛」。

~引自《阿彌陀三耶三佛薩樓佛檀過度人道經》經題考，李周淵

【九、總釋名題】 (2/24)

……今此會本，直取宋譯經題
《佛說大乘無量壽莊嚴經》為首，
去其重複之「經」字，
下從漢譯經題《無量清淨平等覺經》
去其重複之「無量」二字，
於是經題為《佛說大乘無量壽莊嚴清淨平等覺經》。
自然佳妙，不假斧斤。兩譯原名，攝於一名之中；

十二種經題悉入一題之內。
全經大旨，昭然目前。淨宗要義，備於題內。
人法喻、教理行、體相用等齊顯於一名之中。
如帝網珠，圓攝一切妙法。
本經會集之妙，於此可見麟爪。

【九、總釋名題】 (3/24)

「佛」者乃梵語佛陀之略稱。義為覺者。
覺者對迷而言。迷則眾生。三覺俱圓，即名為佛。
三覺者：自覺、覺他與覺滿。三覺圓滿，名為佛陀。
是知佛者即三覺俱圓之眾生，眾生即未覺之佛。
又佛者乃十號之一。
十號者：一如來、二應供、三正遍知、
四明行足、五善逝、六世間解、七無上士、
八調御丈夫、九天人師、十佛。
十號具足為世所宗，故名世尊。

【九、總釋名題】 (4/24)

世尊梵音薄伽梵。

《佛地經》云：「是薄伽梵最清淨覺，
……極於法界，盡虛空性，窮未來際。」

（《成實論》等合無上士與調御丈夫為一號，
則從如來至世尊為十號。十號之詳釋在下之第四品中）

上明佛字為極聖之通號。

今就本經，題中佛字即娑婆教主，本師釋迦牟尼如來。

華（指中華）云：能仁寂默。

能仁是其用，寂默是其體。

【十號】

玄奘《阿毘達磨法蘊足論》卷8〈覺支品 15〉：
若聖弟子以如是相隨念諸佛，謂此世尊，
是如來、阿羅漢、正等覺、明行圓滿、善逝、
世間解、無上丈夫、調御士、天人師、佛、
薄伽梵（世尊）。

十號者：

一如來、二應供、三正遍知、四明行足、五善逝、
六世間解、七無上士、八調御丈夫、九天人師、十佛。
十號具足為世所宗，故名世尊。

【九、總釋名題】 (5/24)

「說」者，悅也。悅所懷也。

「佛說」二字，顯此經是世尊金口所宣，
非餘人之說也。

佛以度生為願。

今眾生機熟，堪受淨土大法，究竟解脫。
故今樂說，以暢本懷。

【九、總釋名題】 (6/24)

「大乘」者，喻也。

乘以運載為義。大者所乘，或所乘者大，故名大乘。別於聲聞緣覺僅求自覺之小乘。

《十二門論》云：

「摩訶衍者，於二乘為上，故名大乘。」

「諸佛大人乘是乘故，故名為大。

又能滅除眾生大苦，與(給也)大利益事，故名為大。

又觀世音、得大勢、文殊師利，彌勒菩薩等

諸大士之所乘，故名為大。

又以此乘，能盡一切諸法邊底，故名為大。……」

【九、總釋名題】 (7/24)

又此大者，當體得名，常遍為義。
體無邊涯，絕諸對待。橫該十方，
豎通三世。過去無始，未來無終。

無有一法先之，唯此先於諸法，
(如傳大士偈：「有物先天地，無形本寂寥」)
故強名為大。

如《涅槃經》云：「所言大者，名之為常。」
又云：「所言大者，其性廣博，猶如虛空。」

【傳大士偈】

《善慧大士語錄》卷3：

有物先天地，無形本寂寥；
能為萬象主，不逐四時凋。

《大乘起信論》：

菩薩地盡，覺心初起，心無初相，
以遠離微細念故得見心性，心性常住，
名究竟覺。

【涅槃經】

《大般涅槃經》卷3〈名字功德品3〉：

「所言大者，名之為常，如八大河悉歸大海。」

《大般涅槃經》卷5〈如來性品4〉：「所言大者，其性廣博，猶如有人，壽命無量，名大丈夫。」

《大般涅槃經》卷15〈梵行品8〉：

「所謂大乘方等經典，其義廣大，猶如虛空。」

《華嚴經隨疏演義鈔》卷2：

「涅槃云：所言大者，其性廣博，猶如虛空。」

【九、總釋名題】 (8/24)

今此經中「大乘」二字，
正喻「是心是佛，是心作佛」之淨宗第一義諦。
能念之心，本來是佛，是能乘者大。
起心念佛，念念作佛，故所乘者大。

又能修者，即「是心是佛」之心，
所修者，即「是心作佛」之心。
能修所修，只是一心。即心即佛，心佛不二。
又可云，能修者，即「是心是佛」之佛，
所修者，即「是心作佛」之佛，
自佛他佛，只是一佛。自他不二，自他宛然。

【是心是佛，是心作佛】

《阿彌陀經略註》卷1：

「**理**念佛也，是心**是佛**故。… …

事念佛也，是心**作佛**故。」

《阿彌陀經疏鈔演義》卷1：

「理不自彰，由事乃彰。

因念彌陀，**方**顯自性彌陀；

因求淨土，**乃**悟唯心淨土。

由『是心是佛』，方乃『是心作佛』；

因『是心作佛』，方顯『自心是佛』故。」

【九、總釋名題】 (9/24)

能所不二，修證不無，超情離見，強名為大。

以此為能乘所乘，強名大乘。

故經題中，以大乘為喻，以明全經要旨。

【修證不無、超情離見】 (1/2)

《法華經大成音義》卷1：

「南嶽懷讓禪師，詣曹溪，參六祖。

祖問：甚處來？師曰：嵩山來。

祖曰：甚麼物？恁麼來？師無語。

遂經八年，忽然有省，白祖曰：某甲有箇會處。

祖曰：作麼生？師曰：說似一物即不中。

祖曰：還假修證否？師曰：修證則不無；
染污即不得。

祖曰：祇此不染污，諸佛之所護念。
汝既如是，吾亦如是。 出《法寶壇經》。」

【修證不無、超情離見】 (2/2)

《阿彌陀經要解便蒙鈔》卷2：「徹祖曰：
須知一句阿彌陀佛，具足四句宗旨：
一以**唯心**為宗。二以**唯佛**為宗。
三以**絕待圓融**為宗。四以**超情離見**為宗。」

「**超情離見**者，
但約心佛**絕待**，已超凡情、已離聖見。
若約心佛**圓融**，圓該四句，融會百非，
尤非凡情、聖見所及，乃超情離見之宗。」

【九、總釋名題】 (10/24)

「無量壽」，梵語為阿彌陀。

即本經所說極樂世界教主之聖號。

阿彌陀三字是密語，含無邊密義。

今若譯梵文為華語，

顯密旨於顯說，則可譯成無邊德號。

今經翻為無量壽，是取其中首要之義。

經中無量光、無邊光等十二聖號，

同為阿彌陀之德號。……

【九、總釋名題】 (11/24)

今經題中首標**無量壽**者，以此三字，
統攝一經所說。蓋**無量壽**是**法身常住之體**。

壽是**如如智之體**，**光**是**如如智之相**，
故經題標**壽德**，**光德**即攝於中。

又《甄解》云：極樂淨土「三種莊嚴（佛莊嚴，
菩薩莊嚴，國土莊嚴），一切歸**壽命**。」

又「安樂國土依正三種莊嚴入一法句，**無量壽**故。」

故經題中標「**無量壽**」德號，
則法藏因地願行與果地佛德，極樂之依正主伴，
全部經旨，攝無不盡。

【無量壽是法身常住之體】

《正信念佛偈私見聞》卷1：

無量壽者，法身常住 妙理也。

無量光者，佛智觀照之妙用也。

體用不離，理智冥合。

《教相樞要鈔》卷1：

釋無量壽，云表法身常住妙德，是約本有心德。

今無量壽者，酬壽命無量願，無量壽故；

是約修生佛德也。

（鈔意：約本有、約修生，均是無量壽）

【九、總釋名題】 (12/24)

「莊嚴」者，《探玄記》曰：

「莊嚴有二義：一是具德義。二交飾義。」

故小本曰：「其佛國土，成就如是功德莊嚴。」

《往生論》稱極樂三種莊嚴，已見前。

細論則有廿九種莊嚴。文繁不引。

今本經曰：

「一向專志莊嚴妙土」，「莊嚴眾行」，

又「我已成就莊嚴佛土清淨之行。」……

又經中「榮色光曜，不可勝視」……

咸顯彼佛世界具足莊嚴，周遍其國，

是莊嚴一辭中所含「交飾」之義。

【探玄記】

《華嚴經探玄記》，二十卷，唐·法藏述。
又作《華嚴探玄記》、《探玄記》、《探玄》、
《華嚴經疏》。收在《大正藏》第三十五冊。

本書敘述舊譯《華嚴經》之要義，並解釋經文。內容
首先闡明歸敬序及總序，其次分十門解釋《華嚴經》

本書係法藏仿其師智儼之《華嚴經搜玄記》而作，
二書同為註釋舊譯《華嚴經》之名著。

《搜玄記》文章簡略，文意較難索解；
而《探玄記》之解釋詳細入微，對研究者頗為方便。
本書係法藏於四十五歲至五十歲間所作。

～《中華佛教百科全書》

【九、總釋名題】 (13/24)

至於「具德」者，

則如經第九品中「如實安住，具足莊嚴」。

故知極樂世界如是莊嚴者，蓋由於如實而安住也。

實者，真實之際也，是謂具德。

又第十五品中「一切莊嚴，隨應而現」。

此正顯事事無礙法界之圓明具德也。

【九、總釋名題】 (14/24)

「清淨」者，
身口意三業，離一切惡行煩惱垢染之謂。

《探玄記》云：「三業無過云清淨。」
蓋謂身口意三業，皆無過失也。

又清淨土，指淨土。清淨身，指佛身。
清淨人，指如來。

又《往生論》謂，
三種莊嚴入一法句，一法句者清淨句。
清淨句謂真實智慧無為法身。
此與經題中「莊嚴清淨」妙合天然。

【九、總釋名題】 (15/24)

三種莊嚴者，無量莊嚴也。

今齊入一清淨句中，是「一切即一」。

又經云「心淨則佛土淨」表「一即一切」。

華嚴玄旨，又於此處見之。

又《漢譯》稱阿彌陀佛為無量清淨佛。

又其中第十八願曰：「我作佛時，

諸佛國人民有作菩薩道者，常念我淨潔心。

壽終時，我與不可計比丘眾飛行迎之，共在前立。

即還生我國，作阿惟越致。」

此中之淨潔心即是清淨心。

【一切即一、一即一切】

《起信論疏筆削記》卷2：事事無礙法界

謂諸事法各全攝理，即理之事互不相礙。

故得一一事法，相即相入。

一即一切、一切即一；一入一切、一切入一。

互為主伴，重重無盡。

如天網珠，光影互入，無礙無盡也。

【九、總釋名題】 (16/24)

「**平等**」者，離差別也。

經云「**心佛眾生，三無差別**」正顯平等之義。

《入佛境界經》曰：

「菩提者，名為**平等**。平等者，名為**真如**。

(乃至)平等者，即是入不二法門智。」

故知有**差別**即是**二**，即**不如**矣。

故云**平等**即入**不二**，即是**真如**。

可見平等之義甚深。

【九、總釋名題】 (17/24)

今題中曰「**平等覺**」，可有四解：

一曰**平等普覺**一切眾生，
普令一切眾生平等成佛之法。

今經中發菩提心，一向專念之法，**普被三根**，
本經謂，當來一切含靈，皆依此法而得度脫，
正顯平等普覺之義。

二曰**以平等法**覺悟眾生。

《淨影疏》曰：「**無作無所有等**，為**平等法**。」
持名之法，心作心是，暗合道妙，巧入無生，
從有念入無念，因往生證無生。

【九、總釋名題】 (18/24)

念得能所兩忘，
即是《金剛般若》之「應無所住而生其心」；
亦即《淨影疏》之「無作無所有」。
以如是法教導眾生，橫出三界，成究竟覺，
是謂以平等法，覺悟眾生。

三、平等覺指如來之正覺。
正覺無一切高低深淺之別，故曰平等覺。

四、專就本經，「平等覺」亦即極樂教主之聖號。
以上諸義，題中俱攝。

【九、總釋名題】 (19/24)

「**經**」者，梵語修多羅。
直譯為**線**，義譯為**契經**。

契者，一者契理，理者，**實際理體**也。
二者契機，機者，機宜，眾生**根機**也，
兼指 **時機**，時節因緣也。

故契機者，切合眾生**水平**與**時代**也。

今為省文，略去契字，但名曰經。

經具貫、攝、常、法四義：**貫**則貫穿所說之**理**；
攝則攝持所化之**生**（指眾生）；**常**則古今**不易**；
法則近遠**同遵**。上述四字，可盡「經」字之義。

【九、總釋名題】 (20/24)

具足人法喻 — 《大方廣佛華嚴經》

佛是人，大方廣是法，華嚴是喻。

今本經題亦具足人法喻。

題中佛字表此土果人，無量壽是彼方果人，故題中具兩土果人。

莊嚴清淨平等覺七字是法。

大乘二字是喻。

乘者車也。此經可運載無量眾生咸達寶所。如《法華》之大白牛車，故以大乘為喻。

【九、總釋名題】 (21/24)

諸經皆具教行理。

本理立教，依教修行，從行顯理。

注家釋題，須明本經題中別具之教行理。

專就本經，則「佛說大乘」是教。

「莊嚴清淨平等覺」是行。

「無量壽」是理。

「無量壽」表三際一如、涅槃常住之法身本體，
亦即眾生本具之佛性，是心是佛之本心。
故判屬於理，蓋其為實際理體也。

【九、總釋名題】 (22/24)

「佛說大乘」是教，
即依此「無量壽」之理體，直指大乘為喻，
為宣說眾生本具之大經，判之為教，義甚分明。

又從教起行，故下文中「莊嚴清淨平等覺」
即是佛所教化之妙行也。一句阿彌陀，以之莊嚴
自心，清淨自心，是即依教修行也。

不假方便自得心開，圓顯本具之平等覺，
是以行顯理也。又得往生者悟無生忍，從體起用，
復以此平等妙法，平等普度一切眾生，往生淨土，
同證大覺，復是從眾行顯理也。

【教行理】

- 一、**教經**，即聖人對機所說一切**言教**也。
- 二、**行經**，即依教**修行**，亦進趣之義也。
眾生依種種教門修行，入涅槃理。
- 三、**理經**，理即一切言教所詮之**義理**也，
理則不二，名字非一，或言實相，或言法界等。

～《三藏法數》

【九、總釋名題】 (23/24)

若以經題配三大，則無量壽是體大，
莊嚴清淨是相大，
平等覺是用大。

依《漢譯》「無量清淨平等覺」即阿彌陀佛義。

更可以本經題配三覺。

無量壽佛，是我本覺。

發菩提心，一向專念，以莊嚴自心是名始覺。

始覺合本覺，直趨究竟覺，

即題中「清淨平等覺」也。

【九、總釋名題】 (24/24)

又可解為「平等覺」是我本覺。

清淨

起心念佛，以自「莊嚴」，是為始覺。

始本不離，直趨覺路，頓入寂光，
證「無量壽」。

如是則平等覺是我因心，無量壽是我果覺。
如是妙義輾轉無盡，悉在一題之中。

是故《圓中鈔》

疏曰：「聞首題名字，獲無量功德。」

鈔曰：「如《金光明》，及諸大乘，多作此說。」

【三大】

眾生「**一心**」之本體、相狀、作用廣大無限，故稱體大、相大、用大。係《**大乘起信論**》所說：

(一)**體大**，真如之理，**體性平等**，常恆不變，遍其一切法，體性不增不減。

(二)**相大**，相即德相，真如體上具足大智慧光明等**無量功德**。依如來藏之義，功德之相如恆沙無量，故稱相大。

(三)**用大**，真如之體，能生一切世間、出世間之**善因果**。

～《**佛光大辭典**》、《**三藏法數**》

【三覺】 (1/2)

《大乘起信論》描述眾生在修行過程中之覺悟現象的用語。

「**本覺**」是指眾生本來具有的覺性。

自無始以來，此覺性即為無明妄想所障覆，猶如能照物之鏡，為塵垢所覆蓋而使鏡面之照物功能暫失，此謂之「**不覺**」。

若經過不斷的修持，祛除無始以來之迷昧無知，將覺性陸續顯露，此猶如將障覆鏡面之塵垢陸續清除，則能逐漸顯出其照物之功能。此即為「**始覺**」。

【三覺】 (2/2)

「**究竟覺**」為始覺中之究竟位。即菩薩覺證妄心之本源，始覺之智與本覺之理，互相契合之覺悟。

蓋證得佛果者，能覺了染心之源，遠離微細妄念，故得徹見心性，其心常住，故稱其覺為「**究竟覺**」。

又以此覺位乃斷盡無明之惑，通達諸法之實相，至最上至極之位，故稱究竟位，即**佛果位**。

～《中華佛教百科全書》、《佛光大辭典》

經名	佛說	大乘	無量壽	莊嚴	清淨	平等覺	經
	別名						通名
立題	人	喻	人	法			
三經	教		理	行			
三大			體大	相大		用大	
三覺			本覺	始覺		究竟覺	
			究竟覺	始覺		本覺	

【參、正釋經義】（以下為第十門）

序分	通序 (證信序)	法會聖眾第一	序如首 五官俱存
		德遵普賢第二	
	別序 (發起序)	大教緣起第三	
正宗分	第四品至第四十二品		正宗如身 腑臟無闕
流通分	第四十三品至第四十八品		流通如手足 運行不滯

通序【法會聖眾第一】經文

如是我聞：一時佛在王舍城耆闍崛山中，
與大比丘眾萬二千人俱。

一切大聖，神通已達。其名曰：

尊者憍陳如、尊者舍利弗、尊者大目犍連、
尊者迦葉、尊者阿難等，而為上首；

又有普賢菩薩、文殊師利菩薩、彌勒菩薩，
及賢劫中一切菩薩，皆來集會。

雪廬老人淨土詩偈

六根清淨通戒定
一心不亂開智慧
三藏全歸洪名中
今修他法恐枉費



迴向偈

願以此功德，莊嚴佛淨土。
上報四重恩，下濟三塗苦。
若有見聞者，悉發菩提心。
盡此一報身，同生極樂國。